

სპორტბიელი

საერთო უკრაინული გაზეთი შაბათი 14 ივნისი 2008 №135 (3359)

ფასი 50 თეთრი

პორტუგალიდან გამოფრინდა სადისციპლინოს აკადემიამ აჯობა, პასუხი ისევ დისციპლინარუბზეა

„პორტუ“ გადარჩა და ახალ სეზონში ჩემპიონთა ლიგაში ითამაშებს. ეს გადაწყვეტილება უეფას სააპელაციო კომიტეტმა გუშინ, ოთხსაათიანი განხილვის მერე მიიღო.

საქმის არსი გეხსომებათ: „პორტუს“ ოთხი წლის წინანდელი ცოდვები ამოუქექეს, ეროვნულ ჩემპიონატში მსაჯთა მოსყიდვაში ამხილეს და პორტუგალიის ფეხბურთის ფედერაციამაც კლუბს დანაშაულის შესაბამისი სასჯელიც დააკისრა: დააჯარიმა და წინა სეზონში დაგროვილი ქულების ნაწილიც ჩამოაკლო. თუმცა ისიც ვთქვათ, რომ ჩამოჭრილმა ქულებმა „პორტუს“ ვერაფერი დააკლო, რაკილა ჩემპიონატი იმხელა უპირატესობით მოიგო, ქულანაკლულიც პირველ ადგილზე დარჩა.

მთავარი სასჯელი კი პორტუგელებს უეფას სადისციპლინო კომიტეტმა მიუსაჯა — 2008-2009 წლების სეზონის ჩემპიონთა ლიგის გათამაშებიდან მოკვეთა.


ეს კი ძალიან სერიოზული დასჯა გახლდათ და „პორტუმაც“ უმალ სააპელაციო კომიტეტში იჩივლა. ხოლო რა მოჰყვა კომიტეტის სხდომას, თავშივე მოგახსენეთ.

მაგრამ საქმე ამით არ დამთავრებულა და შესაძლოა ისეც მოხდეს, პორტუგელთა სიხარული ნაადრევი გამოდგეს. სააპელაციო კომიტეტმა სადისციპლინო კომიტეტს საქმის ხელახალი განხილვა დაავალა და ეს მომდევნო კვირაში მოხდება. როგორი იქნება დისციპლინართა ახალი ვერდიქტი, მალე შევითვობთ, თუმცა ჩემპიონთა ლიგიდან მოკვეთა კლუბს აღარ ემუქრება.

სიკვდილის ჯგუფი, სადაც ჰოლანდია დამპრქალაპი ბიუროა 7:1 მსოფლიოს ჩემპიონთან და ვიტა-ჩემპიონთან



პიტოზი გადარჩა იტალია?



სხრათა წერილი: ფიფა და ფიფაის ზესტაფონი იბრაჰიმის და აზინებს



გოგი ფიფა



ალექსი ბენაშვილი



გიორგი ხიდეშელი

როგორც გუშინ შევიტყვეთ, არეულობა იმერულ კლუბში „ზესტაფონი“ დღეს ურეკში უნდა წავიდეს 10-დღიან შეკრებაზე, თუმცა გუნდში სკანდალი აგორდა. საქმე, აი, რაში გახლავთ. „ზესტაფონის“ ფეხბურთელი გოგი ფიფა ზესტაფონურ კლუბს უჩივის. შეგახსენებთ, რომ ფიფას კლუბის ხელმძღვანელობასთან უთანხმოება მოუვიდა — ერთ ხანს ფიფა გუნდიდან დაითხოვეს, შემდეგ ფარმკლუბთან ერთად მისცეს ვარჯიშის უფლება, ცოტა ხნის მერე კი, როგორც თავად ფეხბურთელი ამბობს, ვარჯიშშიც აუკრძალეს და ფიფამაც იურიდიულად შეუტია „ზესტაფონს“.

როგორც გაირკვა, ფიფამ თანაგუნდელების ხელმოწერები შეაგროვა და ფეხბურთელები ამ წერილში ადასტურებენ, რომ კლუბი ფიფას ვარჯიშის ნებას არ აძლევდა. ეს კი უეფას კანონებს ეწინააღმდეგება.

გოგი ფიფას გუშინ რომ დაუკავშირდით, აი, რა გვითხრა: „ფეხბურთელებმა დაადასტურეს ის, რაც სინამდვილეში იყო, არ მად-

ლევენ ვარჯიშის უფლებას და ამას ვერ უარყოფენ. საქართველოს ფეხბურთის ფედერაციაში დღეს უნდა განეხილათ ეს საკითხი, თუმცა რამდენიმე დღით გადაიდო.“

ჩვენი ინფორმაციით ამ წერილზე ხელი მოწერილი აქვთ — ედიკ საჯაიას, მურთაზ დაუშვილს, სევასტი თოდუას, გიორგი ხიდეშელს, როინ ონიანს, როინ კვასხვაძეს და ბექა გოცირიძეს და კიდევ სამ ფეხბურთელს, რომელთა ვინაობაც ამ წუთას არ ვიცით. ცხადია, ამ ფეხბურთელებთან დაკავშირებაც ვცადეთ, თუმცა მხოლოდ გიორგი ხიდეშელთან მოვახერხეთ გასაუბრება.

„გოგა ფიფამ მოიტანა წერილი და ჩვენც, რაც იყო სიმართლე, ის დავადასტურეთ. გოგას არ აძლევდნენ ვარჯიშის უფლებას რაც შეეხება ჩემს მომავალს, „ზესტაფონთან“ კონტრაქტი დამითავრდა და უახლოეს დღეებში გადაწყდება წავალ თუ დავრჩები“.

ამის მერე ფეხბურთის ფედერაციის საერთაშორისო კომიტეტის თავმჯდომარეს, ფეხბურთელთა სტატუსის და ტრანსფერების კომი-

ტეტის წევრს, რევაზ შენგელიას დაუურევით და კომიტეტში შესული ამ სკანდალური წერილის თაობაზე ვკითხეთ.

რევაზ შენგელიამ დაგვიდასტურა, რომ ნახსენები შინაარსის წერილს, რომელსაც ცხრა ფეხბურთელი აწერს ხელს, კომიტეტში გაეცნენ, მაგრამ საქმის განხილვა გადაიდო. მიზეზი ის გახლავთ, რომ წერილს იურიდიული საბუთის ფორმა არ აქვს და ნოტარიულ დამოწმებას საჭიროებს. შენგელიასვე თქმით, არსებობს მეორე ვარიანტიც: წერილზე ხელმოწერებმა კომიტეტს პირადად უნდა დაუდასტურონ წერილში ჩამოთვლილი ფაქტები.

ესაუბრეთ თუ არა კლუბის ხელმძღვანელებსაც? — ვკითხეთ შენგელიას.

— რა თქმა უნდა და ისინი საპირისპიროს ამტკიცებენ. გვითხრეს, რომ თავად ფიფა არღვევდა დისციპლინას. აქამდე კლუბს საქმის გამწვავება არ სურდა, მაგრამ რაკი თავად ფეხბურთელმა იჩივლა, კლუბსაც შესაბამისი რეაგირება ექნებაო. ერთი სიტყვით, ამ საქმეს სრულფასოვნად შევისწავლით და გადაწყვეტილებასაც ფიფას წესების შესაბამისად მივიღებთ.

შემდეგ „ზესტაფონის“ პრესატაშე სერგო ფუტკარაძეს დაუურევით და კომენტარი ვთხოვეთ:

„ამ საკითხზე ადრეც ვკითქვამს და ერთხელაც გავიმეორებ. არსებობს კონტრაქტი, რომლის პირობებზეც ფეხბურთელმა უნდა შეასრულოს.“

„ფიფას საქმეს“ პირდაპირ არ ეხება, მაგრამ სხვა ზესტაფონელ ფეხბურთელთან დაკავშირებით ფეხბურთელთა სტატუსის და ტრანსფერების კომიტეტმა ერთი გადაწყ-

ვეტილება უკვე მიიღო. ლაპარაკია, ალექსი ბენაშვილზე, რომელიც დაახლოებით ერთი თვის განმავლობაში არღვევდა დისციპლინას, არ დადიოდა ვარჯიშებზე.

რევაზ შენგელიას თქმით, ფიფას წესები ამ შემთხვევაში ოთხიდან ექვს თვემდე დისკვალიფიკაციას ითვალისწინებს.

კომიტეტმა ბენაშვილის არგუმენტებიც მოისმინა, მაგრამ არადამაჯერებლად მიიჩნია და წლის ბოლომდე დისკვალიფიკაცია მისცა. შეგახსენებთ, რომ საქართველოს ჩემპიონატში სეზონი 2 აგვისტოს იწყება და პირველი წრე ნოემბრის ბოლოს სრულდება. შესაბამისად, ბენაშვილი მთელ პირველ წრეს გამოტოვებს.


ახლა კი უფრო სასიამოვნო ზესტაფონურ ამბებზეც ვთქვათ.

ზესტაფონის ცენტრალურ სტადიონზე სარემონტო სამუშაოები

რომ მიმდინარეობს, „სარბიელის“ მკითხველს კარგად მოეხსენება. სტადიონის მფლობელი ქალაქის მუნიციპალიტეტია, თუმცა კლუბის ხელმძღვანელობამ გადაწყვიტა, საკუთარი სახსრებით გაარემონტოს და უეფას სტანდარტები დააკმაყოფილოს. შეგახსენებთ, უეფას კომისია ივნისის ბოლოს მოინახულეს ზესტაფონის სტადიონს და დადებითი პასუხის შემთხვევაში, „ზესტაფონი“ უეფას თასზე შინ ითამაშებს. ამჟამად კი ინდივიდუალური სკამების დასამონტაჟებლად ორივე ტრიბუნა გამზადებულია და ეს პროცესიც უახლოეს დღეებში დაიწყება.

„ზესტაფონი“ კი, ერთხელაც ვთქვათ, დღეს ურეკში გაემგზავრება 10-დღიან შეკრებაზე, სადაც ახალწვეულები, ბოიბო ფრიდოლინი და ერიკ რომეო ჩასემსაც იახლებს.

ნუბრი ლოლაძე



ვიტელებმა კუს ტბით დაიწყეს


გუშინ თბილისის „ვიტ ჯორჯიამ“ ახალი სეზონისთვის მზადება დაიწყო. ნესტორ მუმლაძემ შევირდები კუს ტბის ტერიტორიაზე შეკრება და არბენინა. მოგეხსენებათ, რომ გუნდი დატოვეს თავდამსხმელებმა ზაზა სახოკიამ და ბიჩანა ცხადაძემ. ასევე ახალი სეზონიდან სხვა გუნდში გააგრძელებს კარი-

ერას პაატა დათუნაიშვილიც. შემატებით კი ვეტერინარებმა საჩხერის „ჩიხურას“ მცველი დავით ზურცილავა შეიმატეს და როგორც შევიტყვეთ, „ჩიხურას“ თავდამსხმელი მირიან მიქაძეც სურთ და ეს საკითხი უახლოეს დღეებში გადაწყდება.


ნუბრი ლოლაძე

მსოფლიოს 2010 წლის ჩემპიონატის უმსარჩვეო პიტაპი. აზრები
VIII ჯგუფი
III ტური
მავრიტანია 0:1 ეთიოპია
XII ჯგუფი
III ტური
ჯიბუტი 0:6 კონგო დ. რ.

ბრწყილი
სმარია A. VI ტური
ატლ.-მინიერუ 4:2 იპატინაბა
ფლუმინენსა 1:1 სანტოსი
პალმეირასი 5:2 კრუსაირუ
სუუ
მეიჯორლიგა. XIII ტური
ჰიუსტონი 0:2 ნიუ ინგლანდი



რაინერ ცობელი



ნედ ზელიჩი, შესაძლოა, კარიერაც დაასრულოს

დინამო დინამო შეკრიბა ცობელი საქმეს დღეს დაიწყებს


თბილისის „დინამო“ ახალი სეზონისთვის მზადება დღემის საწყის ეტაპზე დაიწყო, გუშინ ორჯერად ვარჯიშებზე გადავიდა და დღეს უკვე ახალ მწვრთნელს დახვდება. რაინერ ცობელი, რომელიც გერმანიაში რამდენიმე დღის წინ პირადი საქმეების მოსაგვარებლად გაემგზავრა, თბილისში ამ დღით დაბრუნდა და საღამოს გუნდს სავარჯიშოდ პირველად გაუძღვება. დღესდღეობით კი ცობელის სამწესო მთლად სრული შემადგენლობით არ არის: ვაბნილები, მე-

კარე დიდიე ოვონო და თავდამსხმელი ჟორჟ აკირემი თავიანთი ქვეყნის ნაკრებში არიან მიწვევები მსოფლიოს 2010 წლის ჩემპიონატის შესარჩევი მატჩებისთვის, ხოლო ჩერნოგორიელი ილია სპასოვიჩი ნაოპერაციევია, სარეაბილიტაციო კურსს შინ ვადის და თბილისში უახლოეს დღეებში ჩამოვა. დღემის ბაზაზე არიან ის დინამოელები, რომლებიც კლუბს წინა სეზონში ჰყავდა განათხოვრებული. ახლა ყველანი რაინერ ცობელის ჩამოსვლას ელიან, რადგანაც ახ-

ლი გუნდის დაკომპლექტებისას, ცხადია, საბოლოო სიტყვას სწორედ მწვრთნელი იტყვის. ახალი სეზონისთვის „დინამოს“, ალბათ, რამდენიმე ფეხბურთელი შეემატება. ჯერჯერობით კი კლუბთან კონტრაქტი დაუმთავრდათ და აქაურობას დაშორდნენ ავსტრალიელი მცველი ნედ ზელიჩი და ჩეხი რომან ლობევი. ზელიჩის ფეხი აწუხებს და როგორც „დინამოდან“ წასვლისას დაიბარა, შესაძლოა, ფეხბურთის საერთოდაც შეეშვას. **კობა ინასარიძე**

მაკარიძის ერთი ქართული კვირას

საპარტიველოს ეროვნული ნაკრების 18 წლის მეკარე გიორგი მაკარიძეს თბილისის „დინამოსთან“ კონტრაქტი მალე ამოწურება და თავისუფალი აგენტი გახდება. მაკარიძე „დინამო 2“-ში ირიცხება და თამაში იშვიათად უწევდა — მიზეზი კლუბის ხელმძღვანელებთან გართულებული ურთიერთობა იყო. უთამაშებლობის მიუხედავად, საქართველოს ნაკრების ყოფილი თავკაცი კლაუს ტოპიმიოლერი, ახალგაზრდა მეკარეს მაინც იძახებდა ნაკრებში. ალბათ, გახსოვთ, რომ შოტლანდიასთან მოგებულ შეხვედრაში (2:0) სწორედ მაკარიძე იცავდა საქართველოს ნაკრების კარს. გიორგის ჩვენი ნაკრების ახალი თავკაცი პეტარ სევერტიც ენდო და ესტონეთსა და პორტუგალიაში იახლა, თუმც თამაშმა არ მოუწია. როგორც შევიტყვეთ, მაკარიძის ახალი კლუბის ვინაობა ერთ კვირაში გაირკვევა. სავარაუდოდ, იგი კარიერას რომელიმე გერმანულ გუნდში გააგრძელებს.



90

წიკრი ლოლაძე იმედაშვილის ათი წუთი

ქართველმა მცველმა დავით იმედაშვილმა კიევის „დინამო 2“-ში, უკრაინის საფეხბურთო ჩემპიონატის პირველი ლიგის 33-ე ტურის გადადებულ შეხვედრაში, დნეპროძერჟინსკის „სტალის“ წინააღმდეგ ითამაშა. ამის შესახებ, საფეხბურთო კლუბ „დინამოს“ ოფიციალური ვებგვერდი იუწყება. მატჩში, რომელიც

კიეველებმა 2:0 მოიგეს, იმედაშვილი მოედანზე მე-80 წუთზე შეცვლაზე შევიდა. იმედაშვილის სატრანსფერო უფლებები კიევის „დინამოს“ ეკუთვნის. მან იჯარით რამდენიმე გუნდში ითამაშა. მაგრამ კვლავ უკრაინულ კლუბს დაუბრუნდა, მაგრამ თამაშის საშუალება, მხოლოდ „დინამო 2“-ში ეძლევა.

შალკე გადაკრულა: რა ლამაზი ყოფილა კობის სამშობლო...



ლევან კობიაშვილის სტუმრები საქართველოში აღაფრთოვანა

„ახლა რომ ყველას სჯერა, რომ ულამაზესი სამშობლო მაქვს“ — ეს ლევან კობიაშვილის სიტყვებია, „შალკეს“ ვებგვერდზე გამოქვეყნებულ მცირე ინტერვიუში. უნდა ნახოთ, „ხუმარების“ ვებგვერდზე საქართველოს ხოტბას ასახავენ და ნაირ-ნაირი ფოტოები დაუდევიათ — აი, ასეთი ქვეყნიდანაა

ჩვენი კობიაშვილი. საქმე კი ასე იყო: 2006 წლის ზაფხულში „შალკეს“ ბანკეტზე ლევანი კლუბის ფინანსურ დირექტორ იოზეფ შნუზენბერგს შეპირებია, საქართველოში უნდა ჩავიყვანო და იქაურობა დგათვალთვინო. შნუზენბერგიც ოჯახთან ერთად ამასწინათ, შოთა არველა-

ძის ბენეფის-მატჩის დღეებში ჩამოვიდა და კობიმ, ცხადია, გულიანი მასპინძლობაც გაუწია. „ეს არის დიდებული ქვეყანა. აღფრთოვანებული ვარ. ხალხიც ძალიან თბილია, ამას ყოველ ფეხის ნაბიჯზე ვგრძნობდი. რა თქმა უნდა, ლევანის ოჯახშიც ვიყავი, სადაც ძალიან ლამაზი ატმოსფერო დამხვდა, საქართველო გამორჩეულია სტუმართმოყვარეობით და რელიგიური კულტურით. ...ამისთანა ისტორიული ძეგლებით, როგორც იქ ენახე, არა მგონია, ბევრმა ქვეყანამ დაიკვებოს. ამასთან, გადასარევი ბუნებაა, ულამაზესი ლანდშაფტები. ...ჩემი იქ ყოფნის პერიოდში საქართველოს ერთ-ერთი საუკეთესო ფეხბურთელის, შოთა არველაძის ფეხბურთიდან გაცილების მატჩი გაიმართა, სადაც ვარსკვლავებმა ითამაშეს. ყველაფერი ლამაზად იყო, ბოლოს ძმები არველაძეების შეილები გამოვიდნენ მინდორზე და გოლიც გაიტანეს“ — ეს შნუზენბერგის სიტყვებია, რომელიც საქართველოს ქებით არ იღლება. ვესიამოვნება, როცა უცხოელს შენი ქვეყანა ასე მოსწონს... **ილია ნანოზაშვილი**



ჯელაძის გაუნახევრებს

ყაზახეთის საფეხბურთო პრემიერლიგაში მოთამაშე უსტ-კამენოვსკის ქართველ ცენტრალურ მცველს ზვიად ჯელაძეს, დისკვალიფიკაციის ვადა ოთხიდან ორ მატჩამდე შემუშავდა. ამის შესახებ, ყაზახური სპორტული ინტერნეტ-გამოცემა SPORT-ი იუწყება. ჯელაძეს დისკვალიფიკაცია ყაზახეთის ჩემპიონატის მე-11 ტურში, „ატირაუსთან“ მატჩის შემდეგ, არასპორტული საქციელისთვის მისცეს. თუმცა, ყაზახეთის ფეხბურთის ფედერაციის დისციპლინარულმა კომიტეტმა საკუთარ გადაწყვეტილებას გადახედა და ქართველი სანახევროდ შეიწყალა.


ჯელაძის გაუნახევრებს

გიორგი დემეტრაძე თოფებს უორდაბა

კიევის „არსენალის“ მწვრთნელმა ალექსანდრ ზავაროვმა თქვა, სამი ფეხბურთელი კლუბის ხელმძღვანელობას ესაუბრება თავისი მომავლის შესახებ. ზავაროვმა მათი გვარებიც დაასახელა და ერთ-ერთი გიორგი დემეტრაძე ყოფილა. შემდეგ კი მწვრთნელმა დაურთო — კლუბის შეცვლა თითქმის

ყველა ფეხბურთელისთვის ჩვეულებრივი ამბავია. ზავაროვის სიტყვები მიგვანიშნებს, რომ დემეტრაძისა და „არსენალის“ გზები გაიყვანა, რაც სულაც არაა გასაკვირი: დემეს ხომ უკრაინის ჩემპიონატის მეორე წრეში თითქმის არ უთამაშია. **ილია ნანოზაშვილი**





კაკასიის ტურქითი პირველობით შეიქმნა

1 ივნისს მუხიანში „კაკასიის ეტაპის“ ბოლო, მეოთხე ტური გაიმართა. რბოლა კრიტერიუმში პირველი ადგილი თურქმა ორხან მაჰინმა დაიკავა — 45.25. მეორეზე ასევე თურქი მირაკ კალი გავიდა, რომელიც რამდენიმე მეასედი წამით ჩამორჩა თანამემამულეს. მესამე ადგილს კი ქართველი გიორგი ნადირაძე დაეუფლა. იგი მცირედით ჩამორჩა მეორე ადგილზე გასულს. როგორც მოგახსენეთ, „კაკასიის ეტაპი“ მეოთხე ტურით დასრულდა და საუკეთესო მარჯვენებლები ნაზიმ ხალცილცს (პირველი ადგილი), ეკიბ კარაგობეკს (მეორე ადგილი), მირაკ კალის (მესამე ადგილი) და გიორგი ნადირაძეს ჰქონდათ.

საბრძოლო სამეული მოტივანად თურქმა ველომობლობმა შეადგინეს, ხოლო მეოთხე ადგილოსანი გიორგი ნადირაძე ერთადერთი ქართველი სპორტსმენია, რომელმაც ტურნირზე ორი ბრინჯაოს მედლის მოპოვება შეძლო.

საერთო გუნდურ ჩათვლაში უპირობოდ გაიმარჯვა თურქეთის გუნდმა. მეორე ადგილზე საქართველო გავიდა, ხოლო აზერბაიჯანი მესამე ეობას დასჯერდა.

სამბო შეჯამდა

გუშინ სპორტისა და ახალგაზრდობის საქმეთა დეპარტამენტში საქართველოს სამბოს ეროვნული ფედერაციის სხდომა ჩატარდა, სადაც მიმდინარე სეზონის შედეგები განიხილეს და ასევე სამომავლო გეგმებზეც ისაუბრეს. სამბოს ეროვნული ფედერაციის მიერ 2008 წლის სპორტული გეგმის ნახევარი წლის მუშაობის შესახებ კი ურნალიტებთან კომენტარები საქართველოს სპორტისა და ახალგაზრდობის დეპარტამენტის თავმჯდომარემ დავით ნამგალაურმა, სამბოს ფედერაციის პრეზიდენტმა გიორგი გოგუაძემ და სამბოს ფედერაციის ვიცე-პრეზიდენტმა ოლეგ იაძემ გააკეთეს.

ოლეგ იაძე: „ამ ნახევარი სეზონის განმავლობაში ჩვენმა სამბისტებმა დიდებში 2 ოქროს, 1 ვერცხლის, 3 ბრინჯაოს; ახალგაზრდებში 2 ოქროს 2 ვერცხლის, 4 ბრინჯაოს; ჭაბუკებში კი 2 ოქროს, 2 ვერცხლის და 3 ბრინჯაოს მედალი მოიპოვეს. დამეთანხმებით,

ზურაბ მიგრიაული

უსხოელაბი ჯილდოებით აიხსნენ კანადელაბა თაბი ბროლოტი დამოუბიდას

გუშინ, გამთენიისას, ტორონტოში სეზონის საუკეთესო მოთამაშეები დაასახელეს და პრიზებიც ჩამოურიგეს. ოლონდ ნუ გაგეკვირდეთ, თუ თვალს ვერ მოჰკრავთ პლეი ოფში თავგამოჩენილ ხალხს, რადგანაც გუშინ საუკეთესოები მხოლოდ რეგულარული ჩემპიონატის შედეგების მიხედვით გამოავლინეს.

დღის მთავარ ვარსკვლავად „ვაშინგტონის“ თავდასხმელი ალექსანდრე ოვეჩკინი იქცა, რაც მოლიანობაში მოსალოდნელიც იყო. რუსს ორი ყველაზე პრესტიჟული ჯილდო გადაეცა — „ჰარტ ტროფი“, როგორც ჩემპიონატის უძვირფასეს მოთამაშეს და „ლეიტერ პირსონ ევარდი“, როგორც ჰოკეისტს, რომელიც კოლეგებმა აღიარეს საუკეთესოდ. უფრო გასაკვირვებელი ვთქვათ, ოვეჩკინი გასული სეზონის საუკეთესო მოთამაშედ დაასახელეს, როგორც ჟურნალისტებმა და ნჰლ-ის გუნდების გენერალურმა მენეჯერებმა, ისე თავად ჰოკეისტებმაც.

ოვეჩკინის ასეთი წარმატება არავის გაკვირვებია, რადგანაც რუსმა მართლაც ფანტასტიკური სეზონი ჩაატარა — ბოლოს და ბოლოს მან მოიგო, როგორც სწრაფრთა (65 შაიბა), ისე ბომბარდირთა (112 ქულა) დავები. ამასთანავე ის პირველ ჰოკეისტად იქცა 1996 წლის შემდეგ, ვინც სეზონში 60 გოლზე მეტი შეაგდო და ამიტომ გასაკვირი არაა, რომ ასეთი აღიარება მოიპოვა.

„ამწუთას მსოფლიოში ყველაზე ბედნიერი ადამიანი ვარ. ჩემი მიზანი ყველანაირი ჯილდოს მოგებაა, ასე რომ, ჯერი სტენლის თასზეა“ — განაცხადა ოვეჩკინმა, რომელიც მეორე რუსი ჰოკეისტია, სეზონის უძვირფასესად რომ დაასახელეს. პირველად კი ეს პატივი სერგეი ფიოდოროვის ერგო 1994 წელს.

„ვაშინგტონი“ ტორონტოდან მხოლოდ ოვეჩკინის პრიზებით დატვირთული როდი წავიდა, რადგანაც „დედაქალაქელთა“ დამრიგებელი ბრიუს ბოდრო წლის მწვერტულად დაასახელეს და „ჯეკ ადამს ტროფიც“ გადასცეს. ამ კაცმა ნოემბერში ჩემპიონატის ერთ-ერთი მანჩალა ჩაიბარა, მაგრამ ამის მიუხედავად გუნდი მაინც გაიყვანა პლეი ოფში, სადაც „ვაშინგტონს“ 2003 წლის შემდეგ ფეხიც არ შეეღდა. ბოდრომ „მონრეალის“ დამრიგებელი კი კარბონოსა და სეზონის საუკეთესო გუნდ „დეტროიტის“ თავკაც მაიკ ბუკოვს აჯობა. „ნამდვილად სიურპრიზი იყო. მე პირადად იმ კაცს დავასახელებდი, ვინც სტენლის თასი მოიგო. საბედნიეროდ, არავინ არაფერს დამეკითხა“ — იხუმრა ნამატჩევს ბოდრომ.

პრიზების გარეშე არ დარჩენილა ათიოდე დღის წინ სტენლის თასის მომგები „დეტროიტიც“. შეიძლება იკითხოთ, აკი პლეი ოფის შედეგები არ ითვლებათ — ეს ასეა, მაგრამ მიჩიგანელებმა ხომ რეგულარულ ჩემპიონატშიც იმარჯვეს. ამიტომაც გუშინ ლაურეატებს შორის იყვნენ ნიკლას ლიდსტრომი და ჰაველ დაციუკი.

ლიდსტრომმა სეზონის საუკეთესო მცველის ტიტული, „ნორის ტროფი“ მოიგო. რადგანაც მან ჩემპიონატში მცველებს შორის ყველაზე მეტი ქულა (70) დააგროვა და ყველა ჰოკეისტს შორის მეორე იყო სარგებლიანობის მხრივ (+40), გასაკვირი არაა, რომ ამ პრიზის ღირსად თითქმის ერთპიროვნულად მიიჩნიეს — 132 ურნალიტიდან 127-მა „წითელფრთიანთა“ კაპიტანი აირჩია, რომელმაც „კალგარულ“ დონ ფანიოფსა და „ბოსტონელ“ ზდენო ხარას აჯობა. თან შეემა ისტორიაშიც შეღაფეხი, რადგანაც ეს მისთვის უკვე მეექვსე „ნორისი“ და ამ მარჯვენებით მას მხოლოდ ორი ლეგენდა — ბობი ორი (8) და დუე პარვი (7) უსწრებენ.

დაციუკი კი ზედიზედ მესამედ ლიგის მთავარ ჯენტლმენად ცნეს და „ლედი ბინგ ტროფი“ გადასცეს. გარდა ამისა, რუსი დაციუკი პლანის საუკეთესო თავდასხმელადაც („სლეკე ტროფი“) აღიარეს და სამართლიანადაც — ჩემპიონატში იგი სარგებლიანობის მხრივ პირველი იყო (+41) და ამასთან ერთად მის ანგარიშზე 144 ჩაჭრა გახლდათ, რაც 67 პროცენტით (!) მეტია ამ მარჯვენებელში უახლოეს მდევარ მაიკ მოდანოსთან შედარებით. ასე რომ, დაციუკი გუშინ ნიუჯერსელ ჯონ მედენსა და თანაგუნდელ ჰენრიკ ზეტცებერგს ულაპარაკოდ ამჯობინეს.

საუკეთესო მეკარის ტიტული („ვეზინა ტროფი“) „ნიუ ჯერსის“ კიბერ მარტინ ბოდლოს ერგო, რომელმაც ეს პრიზი ბოლო ხუთ წელიწადში მეოთხედ მოიგო. ისე, ბოდლოს აღიარება ცოტა მოულოდნელი იყო, რადგანაც, ბევრის აზრით, რეინჯერსელ ჰენრიკ ლუნდკვისტსა და სან ხოსელ ევეგნი ნაბოკოვს უკეთესი თუ არა, ბოდლოზე არანაკლები სეზონები ჰქონდათ. თუმც უცხოელებმა იმდენი პრიზები დაიტაცეს რომ კანადელებმა ვერ მოითმინეს და ერთი ჯილდო თავისიანსაც მიატოვეს.

„ბილ მასტერსონ ტროფი“ ანუ ჰოკეისაღმი თავდადების პრიზი „ტორონტოს“ თავდასხმელ ჯეისონ ბლეიკს გადასცეს. მას შარშან ლეიკიმია აღმოაჩნდა, მაგრამ ამის მიუხედავად, კინკლა თამაშშიც კი არ გამოუტოვია.

„ტამპელ“ ვენსან ლეკავალიეს „კინგ კლენსი ტროფი“ გადასცეს, როგორც ჰოკეისტს, რომელიც ლიდერულ თვისებებს ამჟღავნებს ყინულზე და მის მიღმაც და საზოგადოებრივ საქმიანობაშიც გამოირჩევა — ლეკავალიემ ეს პრიზი იმით დაიმსახურა, რომ შარშან მილიონი გადასცა ბაშტია კოსოსთან შებრძოლ ერთ-ერთ უღლოდულ სამედიცინო ცენტრს.


კახა ლომაფშილი



ალექსანდრე ოვეჩკინი



ნიკლას ლიდსტრომი



იმ, სადაც სკოლა-არჩი

ბრაზილიელმა ვარსკვლავმა, რონალდინიომ ლუიშ ფელიპე სკოლარის ფაქტობრივად ასეთი რამ შეუთვალა: „ჩელსისი“ თუ ამიყვან, ჩემს ბრწყინვალე კარიერას აღვადგენო.

აქამდე სკოლარი ჭოჭმანობდა, რადგან ბოლო ბარსელონური წელიწადი ბრაზილიელ ვარსკვლავს პრობლემური გამოუვიდა: ცალკე ტრავმებმა დატანჯა და ცალკე პირადმა პრობლემებმა.

დუნგას საპეკინო სია

ალეხანდრო პატომ საწადელს მიადწია, იგი პეკინის ოლიმპიადაზე გაემგზავრება. „იხვი“ კარლოს დუნგას 23-კაციან განაცხადში მოხვდა. ის „მილანი“ 18 წლის ფეხბურთელის სურვილს წინ არ აღუდგა. აი, კაკას გაშვებაზე კი „როსონერი“ საუბარიც არ ისურვა.



სევა თუ ისე, დუნგას საპეკინო განაცხადში მხოლოდ ერთი 23 წელს გადაცილებული ფეხბურთელი მოხვდა — მადრიდის „რეალის“ რობინიო.

„ამწუთას რონალდინიო მინ არის, პორტე ალევრემი და სრულყოფილად ისვენებს. რასაკვირველია, მას მომავალი სეზონისთვის რამდენიმე შეთავაზება აქვს, მაგრამ არსებობს სკოლარის ფაქტორიც. მოგესვენებთ, ისინი ბრაზილიის ნაკრებში ერთად მუშაობდნენ და ჩინებული შეგირდი და მასწავლებელი იყვნენ“.

ადრეც ვკვიხვებოდა, რომ ასისი რონალდინიოს შესაძლო ტრანსფერითან დაკავშირებით „ჩელსის“ წარმომადგენლებს ადრეც შეხვედრია. ცნობილია, რომ ბრაზილიელის შექმნა „მანჩესტერ სიტის“ ახალ მწვრთნელს მარკ ჰიუსსაც სურს, თუმცა, ბუნებრივია, თავად ფეხბურთელისთვის განსაკუთრებით მომხიბლავი (რასაკვირველია, გვარიანი ჯამაგირის გადრა) ყოფილ მწვრთნელთან თანამშრომლობაა.

თავის მხრივ, ხუთწლიანი თანამშრომლობის შემდეგ ბრაზილიელი ვარსკვლავის გაყიდვის მზადყოფნას „ბარსაც“ გამოხატავს. რაც შეეხება ფულს, ვითარება ასეთია: მყიდველ გუნდს სატრანსფერო ხარჯი დაახლოებით 20 მილიონი გირვანჯა ექნება, თავად რონის კი კვირაში 120 ათასი გირვანჯა დასჭირდება.

ბაჰუან კედიან

მარსელი კლიერდება

„მარსელი“ „ლანსს“ გაურიგდა ბრაზილიელი მცველის ვიტორინო ილტონის ტრანსფერის თაობაზე. როგორც კი 30 წლის ცენტრალური მცველი სამედიცინო შემოწმებას გაივლის, ყველაფერი ოფიციალურად გაფორმდება. გარდა ამისა, „ველდრომის“ ბინადრებს ჰაილიდ ბულარუზის ხელში ჩაგდება სურთ, მაგრამ ისინი „ჩელსისთან“ და თავად ფეხბურთელთან მოლაპარაკებებს ევრო 2008-ის მერე დაიწყებენ. ბულარუზი ამჟამად ავსტრია-შვეიცარიაში პოლანდიის ინტერესებს იცავს და ტრანსფერისთვის ნაკლებად სცხელა.

ლიონს პუელი გაფორმის

ზრანზული „ლიონის“ მთავარი მწვრთნელი კლოდ პუელი გახდება. რამდენიმე დღის ფიქრის შემდეგ „ლიონის“ უკვე ყოფილმა მწვრთნელმა საბოლოოდ გადაწყვიტა „ლომების“ შეთავაზებას დათანხმებულიყო და ოთხწლიანი კონტრაქტი გააფორმა. შეგახსენებთ, რომ 46 წლის სპეციალისტი ალან პერინს შეცვლის.

ფარფანი უალკუში გადავიდა

23 წლის პერუელი თავდამსხმელი ჯეფერსონ ფარფანი ასე-დან „მალკემი“ გადავიდა. გელზენკირხენელბთან მან ოთხწლიანი კონტრაქტი გააფორმა.

ფარფანი 2004 წლიდან თამაშობდა ეინდჰოვენელთა რიგებში. ასე-ს მისურთ მან 118 მატჩი ჩაატარა და 57 გოლი გაიტანა. ეროვნულ ნაკრებში მის ანგარიშზე 38 შეხვედრაში 12 გოლია.

ვპრა და მანჩესტერი გაბრძოლდა

„მანჩესტერი იუნაიტედი“ კიდევ ერთ წამყვან ფეხბურთელთან გაახანგრძლივა კონტრაქტი — პატრის ვერა „ოლდ ტრაფორდზე“ 2012 წლამდე დარჩება.

„ჩემპიონის დიდი პატივია ასეთ კლუბში თამაში და ძალიან ბედნიერი ვარ, რომ „მანჩესტერთან“ ახალი ხანგრძლივი კონტრაქტი გავაფორმე. მინდა გუნდთან ერთად კიდევ ბევრი ტიტული მივივი“ — თქვა ფრანგმა.

სოლანო თავისუფალი აგენტია

გამოცდილმა ნოლბერტო სოლანომ ლონდონის „ვესტ ჰემი“ დატოვა და ახლა ახალ კლუბს ეძებს. „ჩაქეჩებმა“ 33 წლის პერუელთან კონტრაქტის გაახანგრძლივება აღარ ისურვეს.

„ახალ გუნდს ვეძებ, რამდენიმე ვარიანტი უკვე მაქვს. კიდევ ორი წლით ინგლისში დარჩენა მინდა, მერე კი სამშობლოში დაებრუნდები“ — თქვა სოლანომ.

ლაციოს ჰუსელინიკი უნდა

რომის „ლაციო“ ვენეციორ ოფ პესელინიკს უტრიალებს. კლუბის პრეზიდენტმა კლაუდიო ლოტიტომ განაცხადა, თუ გლაზგოს „სელტიკი“ ჰოლანდიელ ფორვარდში 5,5 მილიონ გირვანჯას აღარ მოგეთხოვს და ცოტა ფასს დაუკლებს, ვიციდითო. გარდა ამისა, „ბიანკო-ჩელესტი“ ესპანოელი პაბლო ზალაიეტათი და პალერმოელი ედი-სონ კავანითა დაინტერესებული.

სუპერკონტრაქტი

ბალოტელის

მილანის „ინტერი“ თავის ახალგაზრდა ვარსკვლავს მარიო ბალოტელის ახალ სუპერკონტრაქტს უმზადებს. „ნერაძური“ მასთან შეთანხმებას 2013 წლამდე გააფორმებს და ხელფასს თითქმის 22-ჯერ გაუზრდის. ამჟამად ბალოტელის ჯამაგირი დაახლოებით 70 ათასი ევროა. თან მისი ხელფასი, ეტაპობრივად გაიზრდება და 2013 წელს დაახლოებით 4 მილიონ ევროს მიადწევს.

ადეზაიორი

მილანს უახლოვდება

იტალიური პრესის ცნობით, ემანუელ ადეზაიორსა და „მილანის“ შესაძლო ტრანსფერის ამბავში სიახლეა. კერძოდ, ტოლოელ თავდამსხმელს მკაცრად უთხოვია თავისი აგენტისთვის, როგორმე შეუთანხმდეს „არსენალს“, რომ ჩემს გაშვებას დათანხმდესო. „როსონერი“ 24 წლის თავდამსხმელს სასურველ ხელფასს ჰპირდება. „მეოთხეები“ კი, თუ ადეზაიორს შეეღებენ, ალბათ „ბლეკბერნიდან“ როკე სანტა კრუსს მიიყვანენ.

რიისე რომაში?

ბოლო პერიოდში აქტიურად საუბრობენ იონ არნე რიისეს „რომაში“ გადასვლასთან დაკავშირებით. ნორვეგიელი „ლივერპულის“ ძირითადი შემადგენლობიდან ამოვარდა და „ენფილდიდან“ წასვლა სურს. „გლადიატორთა“ მწვრთნელმა ლუჩანო სპალეტემ კი მისდამი საქება-რი სიტყვები არ დაიშურა და აღნიშნა, თუ რიისეს ვიციდით, ბედნიერი ვიქნები, იგი გუნდს ძალიან გაამდიერებსო.

პარალელურად, „რომას“ ხელმძღვანელობამ განაცხადა, რომ უახლოეს დღეებში ალბათ საბოლოო შეთანხმების მიღწევა მოხერხდება „ლენესთან“ 24 წლის მირკო ვუჩინჩის ბოლომდე გამოსყიდვის თაობაზე — უკვე შეეძლიათ, ის 99 პროცენტით „ჯალოროსის“ სრულფასოვან ფეხბურთელად ჩათვალიდითო.

ბიორგი ბაბაბაძე

ბიორგი ბაბაბაძე

იუვე და ჩელსიში დაკარგულნი

ტურიანის „იუვენტუსმა“ ბრანსლავ ივანოვიჩი გაიხსენა, რომლის შექმნასაც რამდენიმე თვის წინ ცდილობდა, მაგრამ სერბი მოსკოვის „ლოკომოტივიდან“ „ჩელსისი“ გადაბარდა. თუმცა 24 წლის ფეხბურთელი ლონდონელთა რიგებში ჩაიკარგა და ჯერაც არ უთამაშია.

სო მცველი ჯორჯო კიელინი კი კლუბთან ახალი კონტრაქტის გაფორმებასთან ახლოსაა. გაერცელებული ინფორმაციით, მხარეები 2012 წლის ზაფხულამდე გაახანგრძლივებენ შეთანხმებას, ხოლო 24 წლის ფეხბურთელის ხელფასი გაორმაგდება და დაახლოებით 2 მილიონი ევრო გახდებაო.

ლშია“ — თქვა კიელინის აგენტმა, მარჩელო ლიპის ვაჟმა დავიდემ.

რაფაელე პალადინო კი, რომელიც მცირე სათამაშო დროს უჩივის და წასვლაზე ფიქრობს, „ჯენოაში“ გადასვლასთან ახლოს იყო, მაგრამ „გრიფონისი“ გადაბარებულზე ბოლო წამს თავად ფეხბურთელს უთქვამს უარი. იტალიური პრესა იმასაც იუწყება, ახლა მის მსურველ სხვა კლუბებს შორის ყველაზე დიდ ინტერესს „ნაპოლი“ იჩენსო.

„ფაქტობრივად ყველაფერი გადაწყვეტილია, შესათანხმებელი მცირე დეტალები დარჩა. ძალიან ბედნიერები და კმაყოფილები ვართ. „იუვენტუსი“ ჯორჯოს გუ-





ქორწილია, ქორწილი!

უინი რუნი და მისმა საცოლემ, კოლინ მაკლაფლინმა იქორწინეს, ოღონდ... ექსტრავაგანცა, რომელიც 3 მილიონი გირვანქა დაჯდა, ცოტა უამინდობამ შელახა.

უამინდობაო?... ბედი არ გინდა, სკუსმა ანუ ლივერპულელმა წყვილმა ზეიმი ნისლიანი სამშობლოდან საგანგებოდ გადაიტანა მზიან იტალიაში, მაგრამ ავღარი კულში გაპყვა. თან, რა ოხერი რამ არის ეს ბედის ირონია — მანამდე, სამი დღის განმავლობაში, რივერპულე თერმომეტრი ორმოცს უკაკუნებდა.

ერთი სიტყვით, ჩაიცვა პატარა ძალმა საქორწინო კაბა და შენობიდან გამოვიდა თუ არა, წვიმამაც დასცხო. ეს ამბავი ვენუის სიახლოვეს ხდებოდა. ნალექმა არც ხელისმოწერის ცერემონიალი დაინდო — ეს ამბავი კი ვილა დურაცოს ციხესიმაგრეში გაგრძელდა, საიდანაც სანტა მარგარიტა ხელის გულივით მოსჩანს.

მაგრამ, რა იცოდა ინგლისიდან ჩამომილიონებულმა წყვილმა, რომ იქ, სადაც ისინი უღლებოდნენ, წვიმიანი ქორწილი ბედნიერების ნიშანია. ასეთი გამოთქმაც კი ჰქონიათ: *Sposa bagnata, sposa fortunata*, რაც ნიშნავს „სველი ქორწილი იბლიანი ქორწილია“.

მაგანმა დამსწრემ ინგლისურ ტაბლოიდებს უამბო: „კოლინი იხტიბარს არ იტეხდა, ბედნიერად იღიმებოდა, მაგრამ იგრძნობოდა, რომ სინამდვილეში ნამდვილ კოშმარში იყო. მთელი კვირა საუცხოო დარი იდგა და მინცდამინც მისი ქორწილის დღეს ჩამოიქცა ზეცა“.

ხელის მოწერის ცერემონიალს ოჯახის წევრები და ახლობლები დაესწრნენ, სულ 15 კაცი. როგორც ტაბლოიდები იუწყებოდნენ, მათ თავზე, ამ დროს, ლულოვიკო მეთექვსმეტის ჭაღი ეკიდა. კოლინი რიტუალის ადგილას ვერცხლისფერი მერსედესის მინივნიტ მიიყვანეს.

ცერემონიალი 20 წუთს გაგრძელდა. ის სანტა მარგარიტას ვიცე-მერმა ჯანი კოსტამ ჩაატარა. როგორც ჟურნალისტებმა გამოქექეს, სინიორ კოსტა ოდესღაც ფეხბურთელი ყოფილა, თუმცა ეს შესაძლოა გადაჭარბებითაც იყოს ნათქვამი, ვინაიდან იტალიაში ამა თუ იმ დონეზე ფეხბურთი ყველას აქვს ნათამაშევი.

მოგვიანებით ტაბლოიდებმა მასაც ჰკითხეს შთაბეჭდილება. ვიცე-მერმა რასაკვირველია, მიუგო, რომ პატარძალი უმშვენიერესი იყო, ცერემონიალზე კი თქვა, რომ ყველაფერი მარტივად და ლამაზად ჩატარდა. როგორც გაირკვა, სიძე-პატარძალს ბეჭდები არ გაუცვლიათ.

რაც შეეხება უსაფრთხოებას, ადგილობრივი პოლიციის მრავალრიცხოვანი რაზმის გარდა „მანჩესტერ იუნაიტედის“ ვარსკვლავისა და მისი აწ უკვე ცოლის სიმშვიდეს ლონდონიდან ჩამოყვანილი პირადი დაცვის თანამშრომლებიც იცავდნენ.

წვეილი ყველა ღონეს ხმარობდა, რათა პაპარაცებს მათთვის ფოტო არ გადაეღოთ — საქმე ის არის, რომ ქორწილის ფოტოგრაფირების უფლება უენიმა და კოლინმა ოფიციალურად მიჰყიდეს ერთ-ერთ სელებრითი ჟურნალს.

თერთმეტს თხუთმეტი რომ დააკლდა, ახალდაქორწინებული წყვილი და „მაყრიონი“ ყოფილი მონასტრისკენ, ლა კერვარასკენ დაიძრნენ, სადაც კოლინმა თავისი 100 ათას გირვანქიანი საპატარძლო კაბა გამოიცვალა და მოგვიანებით შვებითაც ამოისუნთქა, რადგან 2 საათისთვის წვიმა შეწყდა.

სწორედ ამ დროს მივიდნენ ლა კერვარაში სტუმრები, სულ 64 ადამიანი, რომელთა შორის „მანჩესტერ იუნაიტედის“ ფეხბურთელები, ვეს ბრაუნი, ჯონ ოში და მაიკლ კარიკიც იყვნენ. ხუთი საათისთვის წუთებში გათვლილ და დადგმულ ზე-

იმზე მორიგი სცენა გათამაშდა — პატარძალი მამამ, ტონი მაკლაფლინმა საგანგებო წითელი ხალიჩით მიიყვანა მონასტრის ტერიტორიაზე მდებარე წმინდა ჯიროლამას ეკლესიაში. იქაური ტრადიციებისა მინცდამინც არ გაგვეგება, მაგრამ როგორც ზემოთ რამდენჯერმე ნახსენები ტაბლოიდები ამბობენ, „ყვავილების გოგო“ კოლინის ინვალიდი აყვანილი და როუზი იყო. ჰოდა, ახალგაზრდებმა სწორედ აქ, წმინდა ჯიროლამას ეკლესიაში დაიწერეს ვკვარი. ცერემონიალი იტალიელმა მღვდელმა ჩაატარა და ნეფე-პატარძალმა ბეჭდები გაცვალა.

შემდეგ, დაიწყო ტერასაზე შამპანურის სმა, ფოიერვერკი კი 100 ათას გირვანქიანი გახლდათ.

ცნობილი საფეხბურთო სახეებიდან ზეიმს ესწრებოდნენ დანკან ფერგიუსონი და ალან სტაბსი.

გაუზნა კილია



უესლი ბრაუნი



ტოტალიზატორი

1X2 აფსონები

სათამაშო სახლში ყურმოკრული სამშაბათობით და შაბათობით

კოდი წვეილი შედეგი კოფ-ტი სისტ

- აუ, აუ, აუუუ-
- რა გაყმუვლებს, მგელკუმ, აბა ბილეთი მანახე.
- ნახე ძმაო, ისეთი ბილეთია, გაგიმაზავ, რო შენც ყმუილს დაიწყებ.
- კნავილი რო დავიწყო, რამდენ კუმს გადაიხდი? ეს რა ჩავიწერია ტო! ფუტბოლი ვიცო, სერია ჭე-ში სამჯერ აუტი ჩამიწოდებია, ზაპასნობების სკამი გამიწმენდილი და რეები ჩავიბლაჯნია ამ პატიოსან ქალაქზე?
- მაგარი გერმანია და პოლონეთი ვიყავი...
- ჰოდა, აუ ფიდერ ზეი! ხორვატიის წაგება რამ დაგაწერინა ტო, სასტავს მაიკაზე შახმატის დაფა ახატია, ცვეტში გრასმეისტერები არიან.
- ეს რადაა, პოლონეთის მოგება რო მივიწერია ავსტრიასთან, მასპინძლებს ტეხავდი ევროდან? ვაფშე ესენი ხო ხუთშაბათს იყო და რას ინახავ ამ მახინჯ ბილეთს შეყვარებულის წერილივით, ტო.
- მინდოდა შენთვის მჩვენებინა...
- მე რა, ტო, კოპერფილდთან კი არ ვმუშაობდი. წაგებულ ბილეთებს კი არ ვაცოცხლებ. შვეიცარია რო ჩარჩა ჯგუფში, ვერ მოწვი, რო ავსტრია აღარ გატყდებოდა?
- გერმანია და პოლონეთი წვეილად ავიღე, მარა ორივე ნაჩალიჩარი გამოდგა.
- ეხლა კი მაგრა მიქარავ, ტო. „ელჩემ“ და „ლჩემ“ რო იჩალიჩონ, კიდე მოსულა, მარა, ევროპაზე?
- თუ ძმა ხარ, რა! ფუტბოლებს არ უყურე? ნახე, გერმანიამ რა იკადრა? პროსტამც, მერელა გამახსენდა პორტუგალიის ტრენერი, თორე არ ჩავწერდი
- რა იკადრა ტო, ხორვატებმა პა იგრე არ დაჩაგრეს?
- რა დაჩაგრეს, ძმაო. გუნდი იმენა დასეირნობდა. მთვრალეებით დადიოდნენ. თამაში რო დაიწყო, მერელა მოვწვი, რო უნდა წავეო და დაუწვა კიდეც, ტიბები ჩალიჩობენ, რო მეორე ადგილზე გავიღენ და პორტუგალიას შეხვდნენ.
- გადამრე, ტო! რა პონტში უნდათ პორტუგალია, კამიკამეები არიან?
- აი, ეხლა გაგიასნებ, რო კუმნახვერი ტენი არა გაქ. ფელიპე!
- რა ფელიპე?
- ლუიშ!
- ფიგუ?
- ფიგუ კი არა სკოლარი, შე გამოფიგუებული. 2002-ში სკოლარის ბრაზილიამ გერმანიას ფინალში რო მოუგო, აღარ გახსოვს, იმიტო რო ფუტბოლის აზრზე არა ხარ. ჰოდა, გერმანია ზაკახად მეორეზე გადის, რო სკოლარიზე შური იძიოს.
- წადი რა, ტო, შურისძიება თუ გინდა, ინდურ კინოს უყურე და ხელს ნუ მიშლი, ტანხანის და ჩადის ერთიანები წვეილად უნდა დაწვერო.

კუზი კონხარია

ჩემი ბილეთი:
001 გაბონი-განა
შედეგი: განდაგანა
სავარაუდო მოგება: ბანანის ჩაქაფული
მომდევნო ამფსონებში შეიტყობთ, თუ როგორ
გატყვრენ გერმანელები არაყნარევი
ლუდით ხორვატიასთან მატჩის წინ

114140 *

euro_fan_2008@yahoo.com


მოგვწერეთ თქვენი პროგნოზები და მოსაზრებები, ვის გულშემატიკრობთ და რატომ... შემდეგ კი თქვენს წერილებს „სარბიელში“ სხვებიც წაიკითხავენ

Chegevara: სალამი სარბიელს! ბრავო ხორვატებს! მამაცი გულების სახელს ეგენი შოტლანდიელებზე არანაკლებ იმსახურებენ, თუ მეტად არა. ისე, ერთ პატარა გმირობას რუმინეთისგანაც ველი. იმედია, ქართველი ფეხბურთელები და ფედერაციის ხელმძღვანელები უყურებდა ხორვატიის თამაშს, ნათელ მაგალითს იმისა, თუ როგორ შეიძლება პატარა ქვეყანამ საშუალო გუნდით წარმატებას მიაღწიოს.

Irakli1979: გახურდა ევროპის ჩემპიონატი, უკვე პირველი მეთხელფინალისტების და ჯგუფში ჩა

„სკუადრა აბურა“. ჰოლანდიამ ლამაზი ფეხბურთი აჩვენა, თუმცა გერმანელთა გუნდი უფრო სტაბილურ ნაკრებად მიმაჩნია, მიუხედავად ხორვატებთან მარცხისა და პორტუგალიელები ძალიან ფრთხილად უნდა იყვნენ მეოთხედფინალში. ხორვატიის ნაკრებს წარდგენა არ სჭირდება, თუმცა მათი მაქსიმუმი მაინც ნახევარფინალში გასვლა მგონია, ესპანელები სეირნობით კი გავლენ ჯგუფიდან, საკითხავი ისაა, მეოთხედფინალში რას გეჩვენებენ. მთლიანობაში საინტერესოდ საყურებელი ჩემპიონატი და ვფიქრობ, წინა ევროპის პირველობას ნამდვილად ჯობია, ჯგუფური ეტაპის თამაშებით მაინც.

რა მახარია ბიჭია ვეზი!



ლეო ბენეჰაპერმა ინგლისელი მსაჯი ჰოვარდ ვები პოლონეთის ნაკრების ევროპის ჩემპიონატიდან გადღებაში დაადანაშაულა. ალბათ, იოლი მისახვედრია, რაზეც არის ლაპარაკი: ხუთშაბათ საღამოს, ვენის „ერნსტ ჰაპელზე“, პოლონეთისა და ავსტრიის ნაკრებთა მატჩის წამატებულ წუთებზე ვებმა მასპინძლების, ანუ ავსტრიელების სასარგებლოდ პენალტი დანიშნა.

დაიხ, პოლონეთი 93-ე წუთამდე 1:0-ს იგებდა, მაგრამ ხსენებულ დროს მარიუშ ლეჟანდოვსკი სებასტიან პროდლის მისურაზე დაქაჩვის გამო თერთმეტმეტრიანით დაჯარიმდა.

ვები და მისი თანაშემწეები ევროპის ჩემპიონატში მონაწილე ერთადერთი ინგლისელები გახლავთ და ბენეჰაპერს ეჭვიც კი გაუჩნდა, რომ მათ თავის საგანგებოდ გამოჩენა უნდოდათ.

„იქნებ, მას უნდოდა ყველასთვის დაემტკიცებინა, რომ დიდი ბიჭია და ასეთი რაღაცების გაკეთების შიო აქვს, არ ვიცი. პირადად მე ფეხბურთში 43 წელიწადია ვმოდგა და პრობლემა არ მქონია. ასე რომ, ასეთ საქციელს, მართალი გითხრათ, კარგად ვერც კი ვიკებ“.

თეორიულად, პოლონეთის ნაკრებს ჯგუფიდან გასლა ჯერ კიდევ შეუძლია, მაგრამ ამისათვის ხორვატიას უნდა მოუგოს და კიდევ, ჯგუფის მეორე თამაში გერმანელთა და ავსტრიელთა შორის უნდა დასრულდეს მისთვის სასურველი ანგარიშით — ხორვატია, მოგეხსენებათ, გერმანიასთან 2:1 გამარჯვების შემდეგ პირველ ადგილზეა.

„რაც მოხდა, იმასთან შეგუება ძნელია, მაგრამ შევეცდები. ბიჭებთან კი არანაირი პრეტენზია არ მაქვს, მათთვის მადლობის მეტი არაფერი მეტქმის. ამერიიდან ჩვენს

ბელს თავად აღარ განვაგებთ, რის გამოც მარტივი დასკვნის გაკეთება შეგვიძლია: ჩვენ შეჯიბრებას გამოვეითით“.

და, რაც ყველაზე საინტერესოა, ინგლისელი მსაჯებით უკმაყოფილების საბაბი ავსტრიელებსაც აღმოაჩნდათ: გაპოლონელებულმა როვერ გერეირომ თავისი წილი ოფსაიდიდან გაიტანა.

„პოლონელებმა ოფსაიდიდან გავიტანეს, მაგრამ რა გაეწოდა, რაკილა მსაჯმა არ ჩასტენია, ესე იგი გოლი იყო“ — ეს სიტყვები კი ავსტრიელების თავკაცმა იოზეფ ჰიკერსბერგერმა თქვა.

თუმცა, ჩვენ ისევ ბენეჰაპერს დაუვბრუნდეთ, რომლისთვისაც ავსტრიელებთან ფრეს გერმანელებთან დამარცხებაზე მეტად დაუწვევია გული.

„როდესაც მარცხდები, რაღაც მეტოქეზე ორი გოლი გავიტანა, შენ კი ეს ვერ შეძელი, ნორმალურია, ამის შეგუება შეიძლება, მაგრამ არის მომენტები, როდესაც მარცხდები, როდესაც დამარცხებას არ იმსახურებდი და ეს არის მეტისმეტად გულსატკეპნი“.

მაგრამ, უეფა ბენეჰაპერის შეხედულებას არ იზიარებს.

„სულაც არ ვფიქრობთ, რომ იმ ეპიზოდში, როდესაც პოლონელთა კარში პენალტი დაინიშნა, მცველმა თავდამსხმელს მისურაზე დაქაჩა“ — განაცხადა უეფას კომუნიკაციათა დირექტორმა უილიამ გაილარმა.

პოლონეთის პრემიერ მინისტრმა დონალდ ტუსკმა კი დიპლომატია სულ დაივიწყა:

„როგორც პრემიერ მინისტრი გაწონასწორებული უნდა ვიყო, მაგრამ როგორც ფანი საიმოვნებით მოკვლავდი ვებს“.

ბაჰუნა კელია

მოგვწერეთ თქვენი პროგნოზები და მოსაზრებები, ვის გულშემატიკრობთ და რატომ... შემდეგ კი თქვენს წერილებს „სარბიელში“ სხვებიც წაიკითხავენ

euro_fan_2008@yahoo.com

მთავარია პასპორტი!

ბრჭინვალე თავდასხმა VS ბრჭინვალე თავდასხმა

„ტივოლი ნოი“, ინსბრუკი

შვიდობი — ისპანეთი

სამარაულო შემადგენლობები

შვიდობი: ისაკონი; სტოროი; მელბერ...

„ისპანეთის“ ნაკრების ნებისმიერ...

შედეგის მწვრთნელი ესპანელებს...

და დავიდ ვილა? ლაგერბაკი მასზე...

ალბათ, ახლა თავიანთ სიტყვებზე...

ვილას მეწყვილე ფერნანდო ტორესმა...



ხელის არჩამორთმევის მომენტი

რესმა კი რუსებთან 54-ე წუთზე შეცვლის...

ბთან მოსაგებად ვემზადები — თქვა „ლივერპულის“ ვარსკვლავმა...

იქნება. თუმც, უფრო სავარაუდოა, რომ „ბებერი“...

„ფურია როხას“ მარცხენა მცველი ზუან...

ძნელია, კაბდევილას არ დაეთანხმო — შედეგმა...

ისევ ლაგერბაკს მოუხსნილი: „მართალია, საბერძნეთი...

შეხსენებისთვის, ვილქელმსონმა ტრავმა...

მის“ სებასტიან ლარსონია, რომელსაც ფაბრეგასის...

„ის ბრჭინვალე ფეხბურთელია, ნიჭით დაჯილდოებული...

„ტრე კრუნურში“ ვერც ნიკლას ალექსანდერსონია...

ბოლოს, ურთიერთშეხვედრებზეც: ესპანეთ-შვედეთი...

ილია ნანოხაზვილი

ჩემპიონი შეტევაზე გადადის

„მალს-ვიინგენი“, ზალცბურგი

საბერძნეთი — რუსეთი

სამარაულო შემადგენლობები

საბერძნეთი: ნიკოპოლიდისი; სეიტა-რიდისი...

დიდებული რამ არის ოლიმპიური სისტემა...

დღეს მთლად ოლიმპიური სისტემა არ იქნება...

ისე, მართლაც დიდებულია სპორტი, მით უმეტეს...

წავიყვანს და თემას დაუბრუნდეთ. ფეხბურთის...

დღეს რუსეთს მხოლოდ საკუთარი თავის და ილბალა...

ისე, სოლტ ლეიკ სიტის ზამთრის ოლიმპიადაზე...



მით აპირებს რუსების მოშობას.

„ჩვენ შეტევაზე ვავაკეთებთ აქცენტს, თუმც ეს არ ნიშნავს, რომ ზურგს მოვიმიშვლებთ...

სის, ანგელოს ხარისტიასისა და იონანის ამანტიდისის ტრიოთი შევუტევეთ.

Table with 4 columns: Team, Goals, Assists, Cards. Rows for Spain, Sweden, Greece, Russia.

მოგწერთ თქვენი პროგნოზები და მოსაზრებები, ვის გულშემატკივრობთ და რატომ... შემდეგ კი თქვენს წერილებს „სარბიელში“ სხვებიც წაიკითხავენ

euro_fan_2008@yahoo.com



№13 იტალია 1:1 რუმინეთი

13 ივნისი, ტირინი (მხარეთაშორის), „ლამბერტო“, 30 585 მაყრამი

0:1 მუტუ (55), 1:1 პანუჩი (66)

81-ე წუთზე მუტუმ ვერ გაიტანა პენალტი

1 ბუფონი		მწვრთნელი რობერტო დონადონი	
19 ძამბროტა	2 პანუჩი	4 კიელინი	3 გროსო
	21 პირლო	10 დე როსი	
16 კამორანეჩი	20 პეროტა	7 დელ პიერო	
9 ტონი			
21 დ. ნიკოლაე			
10 მუტუ			
5 კიევი	8 კოდრეა	7 პეტრე	
6 რედოი			
3 რაცი	15 გოიანი	4 ტამაში	2 კონტრა
მწვრთნელი ვიტორ პიკურკა		1 ლობონტი	

მეცხლა: რედოი - 20, დიკა (25), პეროტა - 18, კასანო (66), პეტრე - 16, ნიკოლიცა (60), დელ პიერო - 15, კვალარედა (77), კამორანეჩი - 13, ამბროზინი (85), მუტუ - 11, კოჩინი (88)

გაფრთხილება: მუტუ (43), კიევი (58), პირლო (61), გოიანი (73), დე როსი (90)

მსაჯები: ტომ ჰენინგ (ნორვეგია); გეირ ოგე ჰოლენი (ნორვეგია), იან პეტერ რანდენი (ნორვეგია)

12	ჯარიმა	19
12	კუთხური	5
5	ჯარისკენ დარტყმა	5
4	ჯარში დარტყმა	5
6	თამაშარე	4
34,57 წთ	ბურთის ფლობა	30,53 წთ
53%	ბურთის ფლობა	47%

306 რა თქვა

რობერტო დონადონი: „მსაჯობაზე საუბრით თავს არ შევიწუხებ. მოდი, ასე ვთქვათ — ეს არ იყო მისი დღე (ტომ ჰენინგ ოვრებოს შესახებ — რედ.). სრული სისულელეა — ისინი პოლანდიასთან მატჩში მოედნის მიღმა გადავარდნილ პანუჩის აფიქსირებენ, მაგრამ მათ ცხვირწინ წაქცეულ ლუკა ტონის ვერ ამჩნევენ. ასე ვიტყვოდი — გამარჯვებას ვიმსახურებდით, მაგრამ იტალია ზურგი გვაქცია. უამრავი საგოლე მომენტი შევქმენით და ერთადერთი გამოვიყენეთ... ქულით დაკმაყოფილება გვიწევს, რაც არანაირად არ გვაწყობს“.

ვიტორ პიკურკა: „ეს სამართლიანი შედეგია. თუმცა მოგებაც შეგვეძლო — თამაშის განმავლობის დიდ ნაწილს ვაკონტროლებდით და პენალტიც ვერ გამოვიყენეთ“.

რუმინეთის ნაკრების ლიდერმა ადრიან მუტუმ იტალიელთა დაცვა ხომ გააწამა, ჯიჯი ბუფონის კარის ჩარჩოში მისი 3 დარტყმა წავიდა, ხოლო კიდევ ორ ცდაზე ფლორენციელმა ააცილა.

ამ შეხვედრაში იშვიათად ბევრი — 17 კუთხური დაინიშნა, იტალიელთა 12-დან 5 ანდრეა პირლომ ჩააწოდა.

შეხვედრაში ასევე ოფსაიდების სიუხვეც იყო — 10. დელ პიერო, ტონი, მუტუ და დანიელ ნიკოლაე თამაშარე მდგომარეობაში 2-2-ჯერ აღმოჩნდნენ.

მიუხედავად უდიდესი დაძაბულობისა, მატჩი „საშუალო უხეშობის“ იყო. ყველაზე უხეშები რაზვან რაცი და, გაგიკვირდებათ, ლუკა ტონი იყვნენ — 3-3 ჯარიმა „აიკიდეს“.

მოგვწერეთ თქვენი პროგნოზები და მოსაზრებები, გის გულშემატკივრობთ და რატომ... შემდეგ კი თქვენს წერილებს „სარბიელში“ სხვებიც წაიკითხავენ

მრავალმხრივ საინტერესო თამაში

ანგარიში? ის, რომ მსოფლიოს ჩემპიონს ორი თამაშიდან ერთადერთი ქულა აქვს? ბურთების საბაგელი სხვაობა, 1:4? დაღლილობა, პირველ თამაშში თუ მეორეს ბოლო მონაკვეთში რომ იჩინა თავი? დიან, რასაკვირველია, ეს ველაფერი, მაგრამ, უპირველეს ყოვლისა, მაინც ის ხუთი ცვლილება, რობერტო დონადონიმ პოლანდიასთან მატჩის შემდეგ რომ გააკეთა. გუნდი რომ დაულაგებელია, ამ ხუთმა ცვლილებამ თავიდანვე მიგვანიშნა.

ისე, კაცმა რომ თქვას, ის ფეხბურთი, რომელიც „სკუადრა აპურას“ რუმინეთთან პირველ ტაიმში ითამაშა, გაცილებით სჯობდა პოლანდიასთან ნათამაშებს, მაგრამ შედეგი?

ბევრი იტყვიან, შედეგზე გავლენა ცუდმა მსაჯობამ იქონიაო და შესაძლოა, ცამდე მართალიც იყოს, მაგრამ მაინც ვშიშობთ, რომ იტალიელმა ფეხბურთელებმა დამძლეული სეზონის შემდეგ ძალების აღდგენა ვერ მოახერხეს...

ცვლილებები კი მართლაც შთამბეჭდავი ჰქონდა სინიორ დონადონის. მაგალითად, დაცვის ცენტრი მთლიანად გამოეცვალა, პანუჩი ფრთიდან შუაში შეეწია, მის მეწყვილედ კი კიელინი განეწესებინა. ძამბროტა, შესაბამისად, მარცხნიდან მარჯვნივ გახლდათ გადმოტყორცნილი, მარცხნივ კი გროსო ჰყავდა, რომელსაც, ჩვენი მოკრძალებული აზრით, „სკუადრა აპურას“ ერთ-ერთი ნათელი წერტილი შეიძლება ვუწოდოთ.

კიდევ არ იყვნენ გატუზო, ამბროზინი და დი ნატალე. მათ მაგივრად თამაშობდნენ დე როსი, პეროტა და დელ პიერო.

რუმინელებს კი წინა შეხვედრასთან შედარებით ორი ახალი კაცი ჰყავდათ, ნიკოლიცას და კოჩინის მაგივრად კოდრეა და პეტრე მოქმედებდნენ.

წინა თამაშში რუმინელებს საფრანგეთთან ჰქონდათ, სადაც სრულიად ჩაკეტილები, ბურთის მოპოვებას და შეტევაზე გადასვლას თითქოს არც კი აპირებდნენ, იტალიასთან კი უფრო სწრაფად იმოქმედეს და უფრო თამამადაც. ერთი სიტყვით, მეორე შეხვედრაში უკვე ფეხბურთი ითამაშეს.

აქვე გვინდა დავძინოთ, რომ გოლებამდე, ანუ მეორე ტაიმის დასვლით შუაწელამდე, მატჩი კარგი სანახავი იყო. იტალიელთა შეტევები თავიდან მეტწილად მარცხნიდან, გროსოს მონაწილეობით ვითარდებოდა. მარცხნიდან ჩაკიდებულ მაღალ ბურთებს საჯარიმოში ტანმაღალი ტონი ხვდებოდა და მეტწილად თავს ურტყამდა, მაგრამ არ გაუმართლა, ვერა და ვერ შეავლოთ, თუ იმ ერთ ეპიზოდს არ ჩავთვლით, როდესაც კი გაიტანა, მაგრამ არ ჩაუთვალეს — თანამსაჯმა ოფსაიდი „აუწია“. იყო ოფსაიდი? თითქოს, უფრო არა, მაგრამ ამაზე დარწმუნებით თქვენ უფრო იმსჯელებთ, რადგან ახლა, ამ სტრიქონებს რომ კითხულობთ, ეპიზოდი, ალბათ, უამრავჯერ გაქვთ ნახა.

პირველ ტაიმში იყო პერიოდი, როდესაც „სკუადრა აპურას“ შეტევა

ვამ ფრთა იცვალა, მაგრამ ჩაწოდება და ტონის მაღალი ნახტომები ამით არ შეცვლილა.

რუმინელებმა კი სამჯერ ძალიან სახიფათოდ კონტრშეუტევეს მსოფლიოს ჩემპიონს. თავიდან მუტუ შევარდა მარცხნიდან მეკარესთან პირისპირ, მაგრამ ბუფონს ვერ აჯობა (ვინძლო, ბუფონი მატჩის გმირადაც უნდა დავასახელოთ, მით უფრო, რომ მეორე ტაიმში პენალტიც მოიგვრია), მეორედ საჯარიმოდან კიევის დარტყმული პანუჩიმ აისხლიტა და ძელს მოხვდა, მესამედ კი ტამაშმა დაარტყა შორიდან, თუმცა ისევ ბუფონმა იყოჩაღა.

შესვენების შემდეგ კი თავიდან თითქოს დიდი არაფერი ხდებოდა, მერე კი ერთბაშად ორი გოლი გავიდა. ჯერ რუმინელებმა გაიტანეს — ტამაშის შორეული ჩაკიდებული ძამბროტამ, რომელიც, როგორც ჩანს, ფლანგის გამოცვლას მაინცდამაინც ვერ შეეგუა, თავით... მუტუს დაუგლო საგოლე პასი და გაატანინა, მეორე კი იტალიელებმა: კუთხურიდან ჩაკიდებული კიელინიმ შორეულ ძელთან გადაგზავნა, სადაც პანუჩიმ ფეხი მიჰკრა.

ამის მერე თამაშმა ნაპერწკალი დაკარგა, მეტოქეებმა სიფრთხილეს უმატეს, თუმცა იყო ეპიზოდი, რომელმაც ყველა ააღელვა: იტალიელები იმიტომ, რომ მათ კარში საეჭვო პენალტი დაინიშნა, რუმინელები კი იმიტომ, რომ მოგების შესანიშნავი ეძლეოდათ და ვერ გამოიყენეს — მუტუს დიდებულმა ბუფონმა აჯობა.

პაპუნა კილია



euro_fan_2008@yahoo.com



№14 პოლანდია 4:1 სერბეთი

13 ივნისი, ბარნი (შვიდყარია), „სბალ ლა სუნი“. 30 777 მხარობელი
10 კუტი (9), 20 ვან პერსი (59), 21 ანრი (71), 31 რობენი (72), 41 სნეიდერი (90)

1 ვან დერ სარ		მწვრთნელი მარკო ვან ბასტენი	
21 ბულარუხი	2 ოიერი	4 მატისენი	5 ვან ბრონკჰორსტი
17 დე ონგი		8 ნგელაარი	
18 კუტი	23 ვან დერ ვაარტი	10 სნეიდერი	
9 ვან ნისტერლოი			
12 ანრი		22 რიბერი	
7 მალუდა	10 გოვე		
6 მკელელე	20 ტულალანი		
13 ეგრა	5 გალასი	15 ტურამი	19 სანიოლი
მწვრთნელი რაიმონ დომენევი		23 კუბე	

შეცვლა: ენგელარი - 11, რობენი (46), კუტი - 7, ვან პერსი (55), მალუდა - 18, გომისი (60), გოვე - 8, ანელუა (75), ვან დერ ვაარტი - 14, ბოუმა (78)

გაფრთხილება: მაკელელე (32), ოიერი (51), ტულალანი (82)

მსაჯები: ჰერბერტ ფანდელი (გერმანია);
კარსტენ ჯადახი (გერმანია), ფოლკერ ვეცელი (გერმანია)

17	ჯარიმა	17
2	კუთხური	6
4	კარისკენ დარტყმა	9
9	კარში დარტყმა	9
0	თამაშგარე	0
31 წთ	ბურთის ფლობა	28 წთ
52%	ბურთის ფლობა	48%

306 რა თქვა

ტიერი ანრი: „შევრცხვით. 2:1-ზე ისინი თავის სიძლიერეში უნდა დაეჭვებულყვნენ, მაგრამ პირიქით კი მოხდა — ცენტრიდან დაიწყეს და მესამე გოლი გაგვიტანეს. ახლა თავი უნდა მოვიკლათ და იტალია დავამარცხოთ“.

რაიმონ დომენევი: „თუ ეს არ იყო პენალტი (ოიერის ხელით თამაშზე — რედ), მაშინ საერთოდ აღარ ვიცი, რისთვის ინიშება პენალტები. არსებობს ვიდეო და ნახონ, როგორ მოგვპარეს გოლი“.

მარკო ვან ბასტენი: ბუნდელი ვარ — ერთი კვირის განმავლობაში მსოფლიოს ჩემპიონი და ვიცე-ჩემპიონი გავანადგურეთ. ფრანგებთან კარგად დავიწყეთ, მერე ინიციატივა დავკარგეთ და შეცვლაზე შესულმა ბიჭებმა გვიხსნეს.

მოუხდავად პოლანდიელთა შთამბეჭდავი ანგარიშით გამარჯვებისა, ამ წაკრების მეკარეს იოლი დღე არ ჰქონია — ედვინ ვან დერ სარმა მეტოქის 8 დარტყმა მოიგერია და ტურნირის რეკორდი გაიმორა, რომელიც ესპანელებთან 1:4 წაგებულ მატჩში რუსმა აკინფეევმა დააფიქსირა. მისი ფრანგი ვიზაჟი გრეგორი კუბე ასევე დაიღვივრთა, მაგრამ მის კარში წამოსული 9 დარტყმიდან მხოლოდ 5 მოიგერია.

ყველაზე მეტი პასი ფრანკ რიბერის ანგარიშზეა — 66, ხოლო პატრის ევრამ სსენებულ რიბერის ბურთი 12-ჯერ გადასცა. პოლანდიელთა შორის ყველაზე შესამატებელი წყვილი ოიერმა და ბულარუზმა შეადგინეს — ბურთი ურთიერთს 17-ჯერ მიაწოდეს.

ეს თუ სიკვდილის ჯგუფია, პოლანდია დამპყრობელი ბიურო ყოფილა

რატო საჭიროა ევროპის ჩემპიონატის გაგრძელება? მისცენ თასი და ოქროს მედლები პოლანდიას და დაიშალონ.

მსოფლიოს ბოლო ჩემპიონს 3:0 ხომ მოუგეს, წუხელ კიდევ ფინალისტიც დესერტად დააყოლეს, თან უფრო კოხტა ფეხბურთი ითამაშეს და ერთიმეორეზე უკეთესი გოლები შეყარეს.

პოლანდიამ სიკვდილის ჯგუფი სასაცილო ჯგუფად აქცია — საფრანგეთი და იტალია სამადლო ქულებით ბოლო ტურისთვის ერთმანეთს საჯიჯგვანდ შეატოვა, თან მათივე ბედის გადაწყვეტის უფლება დაიტოვა.

ერთი რამ ცნობილია — იტალია ან საფრანგეთი მეოთხედფინალში ვერ გავა, მაგრამ თუ პოლანდია რუმინეთთან წააგებს, რაიმონ დომენევი და რობერტო ღონალონი ხელიხელგადახვეულნი წავლენ სახლებში.

ლილიან ტურამმა 142-ე მატჩი ითამაშა ნაკრებში და თვითონაც დაახლოებით ამ ასაკშია. ბარემ მა-

რსულ დესაიც წაეყვანა დომენეკს და იქ პლატინიც ჩამოვიდოდა მოედანზე. აბა, რაღა დროს ტურამია, როცა რობენი, სნეიდერი და ვან პერსი ისე დარბიან, მიწას, ფეხს არ აკარებებენ.

გალასი კი ყოველ გაშვებულ გოლზე ისე ნერვიულობდა და ღრიალებდა, თმა რომ ჰქონდეს, გაჭაღარავდებოდა.

მაკელელე და ტულალანი ერთმანეთს მეტოქეების ჩეხვაში ეჯიბრებოდნენ. ვერც დაცვაში წაადგნენ გუნდს და არც შეტევაში იყო მათგან ხერი.

ანრი „არსენალისთვის“ ლებენდარულია, მაგრამ მსოფლიოს და ევროპის ჩემპიონატებზე არასოდეს გაუკეთებია რაიმე განსაკუთრებული და აქაც ვერ ბრწყინავს. მაკელელე მკრატელა პასით ვან დერ სართან პირისპირ რომ გაიყვანა, შეეძლო დაბალი დარტყმით შეეგლო ბურთი კარში, მაგრამ ლამაზად მოინდომა გატანა, ბურთი მეკარეს თავზე გადაუგდო და 1:0-ზე გათანაბრების შანსი გაანიავა.

ანრის არაერთხელ უთქვამს, რომ როგორც მსურს, ისე უნდა დავარტყაო და კიდევ დასაჯა არსენალელმა ვან პერსიმ ამ მომენტიდან ხუთ წუთში.

ერთადერთი რიბერი იყო, მოედნის გოჯი რომ არ დაუტოვებია ფეხდაუდგმელი, მაგრამ ამჟამად არ გამოუჩნდა.

გოვე ცდილობდა რაღაცას, ხოლო შეცვლაზე შესულ გომისს და ანელკას ერთად, ტრეზევეს თავი რომ დაეანებოთ, ჯიბრილ სისეც სჯობია.

პოლანდიაზე სიტყვის სათქმელად კი კაცს ენა არ მოუბრუნდება. ამ გუნდზე ლაპარაკი არცაა საჭირო, პოლანდიას უნდა უყურო.

მაშა სუციფილი					
პოლანდია	2	2	0	7:1	6
რუმინეთი	2	0	2	0	11
საფრანგეთი	2	0	1	1	14
იტალია	2	0	1	1	14
ბომბარდირები					
დავიდ ვილია (ესპანეთი)				3	
ლუკას პოდოლსკი (გერმანია)				3	
ვესლი სნეიდერი (პოლანდია)				2	



ანგარიში დიჭ კუიტის ამ თავურით გაიხსნა

სარბიელი
საორტული გაზეთი
გამოიცავა 1990 წლის
28 დეკემბრიდან
გამოდის ორშაბათს,
სამშაბათს, ოთხშაბათს,
ხუთშაბათს,
პარასკევს და შაბათს

გამომცემელი ზურაბ შოცხვერია
დირექტორი გიორგი ოქროშვილი
მთავარი რედაქტორი გიორგი ღონალონი
მთავარი რედაქტორის მოადგილე პანა შალვაშვილი
ტექნიკური რედაქტორი ზინადა მონიაშვილი
ქართული ფეხბურთის რედაქცია: კობა ინსარიძე, ნუგზარ ლოლაძე, ილია ნახობაშვილი, მიხეილ ფორთოლიანი
უცხოური ფეხბურთის რედაქციის რედაქტორი შინაგონი ბასსაროვი
უცხოური ფეხბურთის რედაქცია: გიორგი ახვლედიანი,
ილია ბაბუნაშვილი, გიორგი ვაშაქიძე,
გიორგი კაკაბაძე, ვლადიმერ ხომერიკი
ინფორმაციის რედაქციის რედაქტორი გიორგი ბერიკაშვილი
ინფორმაციის რედაქცია: თამაზ მიგრაიული,
ირაკლი პერტაია, გრიგოლ სვანიძე, ირაკლი ფირაშვილი
ფოტორეპორტიორები: გურამ დოღუნაშვილი, ბადრი კვიციანი
სტილისტები: ნათელა გიორგობიანი, ლალი გოზალიშვილი
კომპიუტერული ცენტრი: ლილა ბეგლაროვა, ლიანა ბესელია,
ხათუნა ბუხუნიშვილი, მაგდა დოგრაშვილი,
რუსუდან ერისთავი, თამარ ქინქლაძე

სარედაქციო სამსახური: 38-11-14, 877 54 55 00

რედაქციის მისამართი:
თბილისი, ალექსანდრე
შაზაშვილის გამზირი 42, II
ქორაუსი, IV სართული.
საფოსტო მისამართი:
თბილისი — 79, საფოსტო
ყუთი 208. ტელეფონი: 39 48 29
ელექტრონული ფოსტა
sarbieli@gol.ge
ელექტრონული ვებ-საიტი
http://www.sarbieli.com.ge